

TUR NA GLORIA DI DIOS



Lès 5 pa Ougùstùs 1, 2026



(1 Korintionan 10:31, NKJV)
" P'esei, sea ku boso
ta kome òf bebe,
òf loke sea boso ta
hasi, hasi tur pa e
gloria di Dios "

Kuminsando ku 1 Korintionan 7, Pablo ta dediká su mes na kontestando un seri di preguntanan ku e Korintionan a manda p'é pa medio di un karta (1 Kor. 7:1a).

Pa e motibu aki, ounke ku kapítulon 8 te ku 10 ta trata primeramente ku idolatria, Pablo ta hinka algun tópikonan meimei ku ningun aparente relashon na e piká spesífiko aki.

Sinembargo, é ta purba pa inkluí un hilu komun den kada tópiko: amor i rèspèt mutuo, kual lo mester guia e iglesis na unidat.

Huntu ku e idea aki, Pablo ta enfatisá e nesesidat pa tur kos hasí den iglesia, òf den bida privá, pa wòrdu hasí na e gloria di Dios.



1 Korintionan 8

Kuminda sakrifiká na ídolonan
(Konosementu i amor)

1 Korintionan 9

Pablo ta renunsiá su derechonan
(E derechonan di e evangelio)

1 Korintionan 10:1-13

Spiertamentu kontra di idolatria
(Lèsnan for di pasado)

1 Korintionan 10:14-22

E Señor Su kopa i e kopa di demoñonan
(Bandoná idolatria)

1 Korintionan 10:23-33

Hasi tur kos na e gloria di Dios
(Loke ta legal i loke ta apropiá)

KONOSEMENTU I AMOR

1 Korintionan 8 (Kuminda sakrifiká na ídolonan)

“Pero konosementu ta hasi arogante mientras ku amor ta edificá.” (1 Korintionan 8:1b)

Pablo ta “dividí ” e Iglesia den dos grupo: esunnan “fuerte” i esunnan “debil”.

**1 Korintionan
8:4-7a**

Esnan fuerte ta komprendé ku ídolonan ta nada, pasombra tin solamente Un Dios bèrdadero.

Esnan debil ainda no a komprendé (gara) e punto aki.

**1 Korintionan
8:7b**

Esnan fuerte ta kome kuminda sakrifiká na ídolonan pasombra nan sa ku ídolonan no por kontaminá e kuminda.

Esnan debil ta kere ku nan a peka si nan kome e kuminda ei.

Pero esnan fuerte, dor di nan konosementu i ehèmpel, por kousa esnan debil pa kai (1 Kor. 8:10). Dor di amor pa su ruman, esun fuerte mester frena su mes (1 Kor. 8:11-13).

Kristiannan mester pone amor dilanti di konosementu ora ku konosementu lo por ta un piedra di trompeká pa e ruman debil ” (den e proseso di kresementu).



E DERECHONAN DI E EVANGELIO

1 Korintionan 9 (Pablo ta renunsiá su derechonan)

"Na e mesun manera, Señor a ordená pa esnan ku ta prediká e evangelio mester risibi nan bibá for di e evangelio." (1 Korintionan 9:14)

Pablo a renunsiá por lo menos tres derechonan pa motibu di amor pa e debilnan:



* **Derecho pa wòrdu alimentá dor di e kongregashon (1 Kor. 9:4)**

➤ **Pablo ta renunsiá su derecho komo un apòstel pa wòrdu sostené dor di e iglesianan ku é ta ministrá na dje, manera otro apòstelnan a hasi.**



* **Derecho pa wòrdu kompañá dor di su esposa (1 Kor. 9:5)**

➤ **E práktika general entre e apòstelnan tabata pa nan biaha ku nan esposanan pa kuida pa nan i asistí nan den nan ministerio. E muhé aki, manera su esposo, lo tin e derecho pa wòrdu sostené dor di e iglesia.**



* **Derecho pa no ehekutá trabou komun di mantenshon (1 Kor. 9:6)**

➤ **Pablo kier gana su bibá pa evitá pa hende pensa ku é kier probechá di su oudiensiá, i pa duna nan un demostrashon di desintereses(generosidad).**

Ounke ku Hesus a ordená ku esnan ku ta prediká e evangelio mester biba for di e evangelio, tantu Pablo komo Barbnabas boluntariamente a renunsiá esaki asina pa no stroba kreyentenan (1 Kor. 9:12-14; Lukas 10:7).

LÈSNAN FOR DI PASADO


1 Korintionan 10:1-13 (Spiertamentu kontra di idolatria)

“ No sea adoradónan di ídolo, manera algun di nan tabata; manera ta pará skirbí: ' E pueblo a kai sinta abou pa kome i bebe i a lanta para pa gosa di nan bida' ” (1 Korintionan 10:7)






E eksperensia di e Eksodo, komprendé spiritualmente, ta un paralèl na esun di nos. E krusamentu di e laman ta manera nos pakto boutismal (1 Kor. 10:1-2).

E kuminda i algu di bebe ku nan a tuma den e desierto ta manera nos partisipashon den e Komunion Santu, kaminda nos ta kome i bebe, spiritualmente, e kurpa i sanger di Hesus (1 Kor. 10:3-4).



Tene kuidou! Apesar di nan eksperensia, e Israelitanan a kai den pikánan serio, inkluyendo idolatria i inmoralidat. No laga e mesun kos sosodé na nos! (1 Korintionan 10:5-10).

Pesei e apòstel ta konkluí e sekshon aki ku un pida poderoso di konseho: “ Pesei, si boso ta kere ku boso ta pará firme, tene kuidou pa boso no kai ” (1 Kor. 10:12).l



BANDONÁ IDOLATRIA

1 Korintionan 10:14-22 (E Señor Su kopa i e kopa di demoñonan)


“ Pesei, mi kerido amigunan, hui for di idolatria ” (1 Korintionan 10:14)



Si kuminda sakrifiká na idolonan lo por wòrdu komé sin preokupashon, pakiko Pablo ta parse di ta konseha kontra di esaki den 1 Korintionan 10:20? Ta un kos pa kome kuminda na kas, sin ningun kulpa, i completamente un otro pa hasi asina durante di un selebrashon públiko kaminda ídolonan ta wòrdu alabá. Dor di partisipando den tal selebrashonnan, e kreyente ta renunsiá nan fe i ta aseptá adorashon di ídolo.

Dor di tuma parti di e Komunion Santu nos ta bira parti di e kurpa di Kristu (e iglesia), siendo ku, dor di partisipá di seremonianan di idolatria, nos ta tuma parti ku e demoñonan (1 Kor. 10:16-20).

Nos no por tuma e kopa di Komunion Santu, alabando Hesus, i – na mes tempu – tuma for di e kopa ku t alaba demoñonan (1 Kor. 10:21).



LOKE TA LEGAL I LOKE TA APROPIÁ

1 Korintionan 10:23-33 (Hasi tur kos na e gloria di Dios)

“ P'esei, sea ku boso ta kome òf bebe, òf kiko ku boso ta hasi, hasi tur pa e gloria di Dios.” (1 Korintionan 10:31)


“Tur kos ta pèmití, pero no ta tur kos ta benefisioso ” (1 Korintionan 10:23).

Dos ehèmpel konkreto:



E karniseria tabata bende kuminda sakrifiká na ídolonan i kuminda ku no a wòrdu sakrifiká. E kreyente no mester a puntra tokante di esaki su origen asina pa no duna e impreshon ku él a konsiderá esaki ílegal pa kome e sorto di kuminda ei (1 Kor. 10:25).

Un inkrédulo a invite un kreyente pa kome. E kreyente a kome sin pregunta (tur kos ta pèmití p'é). Pero e hospedero a bis ku e kuminda a wòrdu ofresé na un ídolo. Pesei, pa no ofendé e hospedero su konsenshi, esaki a wòrdu hañá inapropiado pa e kreyente partisipá di e kuminda ei (1 Korintionan 10:27-29).



E prinsipionan básiko tras di e instrukshonnan aki tambe ta dos: pa alaba Dios den tur kos (1 Kor. 10:31); i pa buska e benefisio di otronan (1 Kor. 10:24, 32).

Esei ta, pa stima Dios riba tur kos i bo próhimo manera bo mes (meskos ku Hesus a pidi e hoben riku).

“ E apòstel a komandá e Korintionan, “ Laga esun ku ta kere ku é ta pará tene kuidou pa é no kai.” Si nan lo mester gusta broma i konfidente den nan mes, neglishando pa vigilá i hasi orashon, nan lo kai den piká penoso, yamando riba nan mes e rabia di Dios. [...] Pablo a urgi su rumannan pa puntra nan mes ki influensia nan palabranan i echonan lo tin riba otronan i pa hasi nada, kon inosente den su mes, ku lo parse di ta sankshoná idolatria òf ofendé e eskrúpulonan di esnan kende lo por ta debil den e fe. “ Sea asina anto ku boso ta kome, òf bebe, òf kualke kos ku boso hasi, hasi tur na e gloria di Dios. No duna ningun ofensa, ni na e Hudiunan, ni na Gentilnan(Griegonan), ni na e iglesia di Dios.”

EGW (The Acts of the Apostles, p. 316)